

OFFERYNNAU STATUDOL CYMRU

2018 No. 191

Rheoliadau Addysg (Cymorth i Fyfyrrwyr) (Cymru) 2018

RHAN 14 E+W

CYFYNGIADAU AR DALIADAU A'R SYMIAU SY'N DALADWY

PENNOD 1 E+W

CYFYNGIADAU SY'N YMWNEUD Â BENTHYCIADAU CYNHALIEATH A GRANTIAU

Gofyniad i'r taliad gael ei wneud i gyfrif banc neu gymdeithas adeiladu E+W

92.—(1) Os yw Gweinidogion Cymru yn meddwl ei bod yn briodol gwneud taliadau o fenthyciad cynhaliaeth neu grant drwy drosglwyddo'r taliadau i gyfrif banc neu gymdeithas adeiladu, cânt ei gwneud yn ofynnol i fyfyrwr cymwys ddarparu manylion unrhyw gyfrif o'r fath yn y Deyrnas Unedig y caniateir i daliadau gael eu gwneud iddo.

(2) Os yw'r amod hwnnw wedi ei osod, ni chaiff Gweinidogion Cymru wneud unrhyw daliad o'r benthyciad neu'r grant hyd nes bod y myfyriwr cymwys wedi cydymffurfio.

Gwybodaeth Cychwyn

II Rhl. 92 mewn grym ar 12.3.2018, gweler [rh. 1\(2\)](#)

Cymorth wedi ei ostwng am gyfnodau a dreulir yn y carchar E+W

93.—(1) Mae'r rheoliad hwn yn gymwys i fyfyrwr cymwys—

- y mae grant (ac eithrio grant myfyriwr anabl) neu fenthyciad cynhaliaeth yn daladwy iddo mewn cysylltiad â blwyddyn academiaidd, a
- sy'n dod yn garcharor yn ystod y flwyddyn academiaidd.

(2) Pan fo'r rheoliad hwn yn gymwys, mae swm y benthyciad cynhaliaeth neu'r grant sy'n daladwy wedi ei ostwng yn unol â'r fformiwla a ganlyn—

$$S \times \frac{(dB - dC)}{dB}$$

Pan—

- S yw swm y benthyciad cynhaliaeth neu'r grant sy'n daladwy;
- dB yw nifer y diwrnodau yn y flwyddyn academiaidd o dan sylw;
- dC yw nifer y diwrnodau yn ystod y flwyddyn pan yw'r myfyriwr cymwys yn garcharor.

(3) Ond caiff Gweinidogion Cymru benderfynu nad yw'r gostyngiad i'w wneud os ydynt yn meddwl ei bod yn briodol o dan yr amgylchiadau, gan roi sylw penodol i—

- y caledi ariannol a all gael ei achosi i'r myfyriwr drwy ostwng swm y benthyciad neu'r grant sy'n daladwy;

Statws Golwg cyfnod mewn amser fel yr oedd ar 12/03/2018.

Newidiadau i ddeddfwriaeth: Mae newidiadau yn dal heb eu gwneud i Rheoliadau Addysg (Cymorth i Fyfyryr) (Cymru) 2018. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau. (See end of Document for details)

(b) pa un a fyddai'r gostyngiad yn effeithio ar allu'r myfyriwr i barhau â'r cwrs presennol.

Gwybodaeth Cychwyn

I2 Rhl. 93 mewn grym ar 12.3.2018, gweler **rhl. 1(2)**

Cymorth wedi ei ostwng am gyfnodau eraill o absenoldeb **E+W**

94.—(1) Mae'r rheoliad hwn yn gymwys i fyfyriwr cymwys—

- y mae grant (ac eithrio grant myfyriwr anabl) neu benthyciad cynhaliaeth yn daladwy iddo mewn cysylltiad â blwyddyn academiaidd, a
- sy'n peidio ag ymgymryd â'r cwrs presennol am unrhyw gyfnod yn ystod y flwyddyn academiaidd (y cyfeirir ato yn y rheoliad hwn fel bod yn absennol).

(2) Pan fo'r rheoliad hwn yn gymwys, mae swm y benthyciad cynhaliaeth neu'r grant sy'n daladwy wedi ei ostwng yn unol â'r fformiwla a ganlyn—

$$S \times \frac{(dB - dAbs)}{dB}$$

Pan—

S yw swm y benthyciad cynhaliaeth neu'r grant sy'n daladwy;

dB yw nifer y diwrnodau yn y flwyddyn academiaidd o dan sylw;

dAbs yw nifer y diwrnodau yn ystod y flwyddyn pan yw'r myfyriwr cymwys yn absennol o'r cwrs presennol.

(3) Ond caiff Gweinidogion Cymru benderfynu nad yw'r gostyngiad i'w wneud os ydynt yn meddwl ei bod yn briodol o dan yr amgylchiadau, gan roi sylw penodol i—

- y rhesymau dros absenoldeb y myfyriwr cymwys,
- hyd yr absenoldeb, ac
- unrhyw galedi ariannol a all gael ei achosi drwy ostwng swm y benthyciad neu'r grant sy'n daladwy.

(4) Nid yw myfyriwr cymwys i'w drin fel pe bai'n absennol at ddibenion y rheoliad hwn o dan yr amgylchiadau a ganlyn—

- pan fo'r absenoldeb oherwydd salwch ac am gyfnod nad yw'n hwy na 60 diwrnod;
- pan fo'r cwrs presennol yn gwrw gradd cywasgedig, unrhyw ran o'r flwyddyn academiaidd pan nad yw'n ofynnol i'r myfyriwr fod yn bresennol yn y sefydliad;
- pan fo gan y myfyriwr anabledd ond na fo'n gallu bod yn bresennol yn y sefydliad am reswm sy'n ymwneud â'r anabledd hwnnw;
- pan fo'r myfyriwr ar gyfnod astudio neu ar gyfnod lleoliad gwaith yn ystod blwyddyn Erasmus;
- pan fo'r absenoldeb am fod y myfyriwr cymwys yn dod yn garcharor (gweler rheoliad 93).

Gwybodaeth Cychwyn

I3 Rhl. 94 mewn grym ar 12.3.2018, gweler **rhl. 1(2)**

Taliadau pan fo'r cyfnod cymhwystra yn dod i ben neu'n cael ei derfynu E+W

95.—(1) Pan fo cyfnod cymhwystra myfyriwr cymwys wedi dod i ben neu wedi cael ei derfynu, mae unrhyw swm o'r benthyciad cynhaliaeth neu'r grant sy'n daladwy mewn cysylltiad â blwyddyn academiaidd wedi ei ostwng yn unol â'r fformiwla a ganlyn—

$$S \times \frac{(ctB - ctT)}{ctB}$$

Pan—

S yw swm y benthyciad cynhaliaeth neu'r grant sy'n daladwy;

ctB yw nifer y cyfnodau talu yn y flwyddyn academiaidd o dan sylw;

ctT yw nifer y cyfnodau talu yn y flwyddyn sy'n dechrau ar ôl i gyfnod cymhwystra'r myfyriwr cymwys ddod i ben neu gael ei derfynu.

(2) Ni chaiff Gweinidogion Cymru wneud unrhyw daliad o swm y benthyciad cynhaliaeth neu'r grant mewn cysylltiad ag unrhyw gyfnod talu sy'n dechrau ar ôl i gyfnod cymhwystra myfyriwr cymwys ddod i ben neu gael ei derfynu.

(3) Mae paragraffau (4) i (8) yn gymwys pan fo—

(a) swm o grant yn daladwy i fyfyriwr cymwys ("P") mewn cysylltiad â blwyddyn academiaidd, a

(b) cyfnod cymhwystra P yn dod i ben neu'n cael ei derfynu ar neu ar ôl y diwrnod y mae'r cwrs yn dechrau arno mewn cysylltiad â'r flwyddyn honno.

(4) Rhaid i Weinidogion Cymru benderfynu—

(a) swm y grant a fyddai, pe na bai cymhwystra P wedi dod i ben nac wedi cael ei derfynu, yn daladwy i P mewn cysylltiad â'r cyfnod talu pan ddaeth cyfnod cymhwystra P i ben neu pan gafodd ei derfynu (y "swm llawn"), a

(b) cyfran y swm llawn a fyddai'n daladwy i P mewn cysylltiad â'r cyfnod sy'n dechrau ar ddechrau'r cyfnod talu hwnnw ac sy'n gorffen pan ddaeth cymhwystra P i ben neu pan gafodd ei derfynu (y "swm rhannol").

(5) Rhaid i Weinidogion Cymru gymryd y camau a grybwyllir ym mharagraff (6)—

(a) pan fônt wedi gwneud taliad i P o swm o grant mewn cysylltiad â'r cyfnod talu pan ddaeth cyfnod cymhwystra P i ben neu pan gafodd ei derfynu,

(b) pan fo'r taliad wedi ei wneud cyn i gyfnod cymhwystra P ddod i ben neu gael ei derfynu, ac

(c) pan fo'r swm a delir yn fwy na'r swm rhannol.

(6) Nod y camau y cyfeirir atynt ym mharagraff (5) yw naill ai—

(a) gostwng swm y grant sy'n daladwy i P yn ôl y swm dros ben y cyfeirir ato ym mharagraff (5)(c) (ac yn unol â hynny, trin y swm dros ben fel gordaliad), neu

(b) os yw Gweinidogion Cymru yn meddwl ei bod yn briodol, estyn cyfnod cymhwystra P mewn cysylltiad â'r grant hyd ddiwedd y cyfnod talu (ac yn unol â hynny, mae'r swm llawn yn daladwy).

(7) Pan—

(a) bo Gweinidogion Cymru wedi gwneud taliad i P, neu y maent i fod i wneud taliad iddo, o swm o grant mewn cysylltiad â'r cyfnod talu pan ddaeth cyfnod cymhwystra P i ben neu pan gafodd ei derfynu, a

(b) bo'r taliad—

(i) wedi ei wneud neu i fod i gael ei wneud ar ôl i gyfnod cymhwystra P ddod i ben neu gael ei derfynu, neu

Statws Golwg cyfnod mewn amser fel yr oedd ar 12/03/2018.

Newidiadau i ddeddfwriaeth: Mae newidiadau yn dal heb eu gwneud i Rheoliadau Addysg (Cymorth i Fyfyryr) (Cymru) 2018. Mae unrhyw newidiadau sydd wedi cael eu gwneud yn barod gan y tim yn ymddangos yn y cynnwys a chyfeirir atynt gydag anodiadau. (See end of Document for details)

(ii) wedi ei wneud cyn hynny ac nad yw'n fwy na'r swm rhannol, swm y grant sy'n daladwy yw'r swm rhannol oni bai bod paragraff (8) yn gymwys.

(8) O dan yr amgylchiadau y cyfeirir atynt ym mharagraff (7), o ran Gweinidogion Cymru—

- (a) cânt benderfynu bod cyfnod cymhwysra P yn cael ei estyn i ddiwedd y cyfnod talu o dan sylw (ac yn unol â hynny, mae swm llawn y grant yn daladwy) os ydynt yn meddwl ei bod yn briodol gwneud hynny, a
- (b) rhaid iddynt benderfynu felly os yw swm y grant o dan sylw yn swm grant myfyriwr anabl a delir mewn cysylltiad â gwariant ar eitemau mawr o offer arbenigol.

(9) Yn y rheoliad hwn, ystyr "cyfnod talu" yw cyfnod (pa un a yw'n flwyddyn academiaidd gyfan neu chwarter o flwyddyn academiaidd) y mae fenthyciad cynhaliaeth neu grant yn daladwy, neu y byddai'n daladwy, mewn cysylltiad ag ef oni bai am y ffaith bod cyfnod cymhwysra'r myfyriwr cymwys wedi dod i ben neu wedi cael ei derfynu.

Gwybodaeth Cychwyn

I4 Rhl. 95 mewn grym ar 12.3.2018, gweler [rhlf. 1\(2\)](#)

PENNOD 2 **E+W**

CYFYNGIADAU SY'N YMWNEUD Â BETHYCIADAU

Gofyniad i ddarparu rhif yswiriant gwladol **E+W**

96.—(1) Caiff Gweinidogion Cymru ei gwneud yn un o amodau hawlogaeth i gael taliad o fenthyciad at ffioedd dysgu neu fenthyciad cynhaliaeth fod yn rhaid i fyfyriwr cymwys ddarparu iddynt ei rif yswiriant gwladol yn y Deyrnas Unedig.

(2) Os yw'r amod hwnnw wedi ei osod, ni chaiff Gweinidogion Cymru wneud unrhyw daliad o'r benthyciad hyd nes bod y myfyriwr cymwys wedi cydymffurfio ag ef, oni bai bod Gweinidogion Cymru wedi eu bodloni, oherwydd amgylchiadau eithriadol, y byddai'n briodol gwneud taliad er na chydymffurfiwyd â'r amod.

Gwybodaeth Cychwyn

I5 Rhl. 96 mewn grym ar 12.3.2018, gweler [rhlf. 1\(2\)](#)

Gofynion gwybodaeth sy'n ymwneud â benthyciadau **E+W**

97.—(1) Pan fo Gweinidogion Cymru wedi ei gwneud yn ofynnol darparu gwybodaeth neu ddogfennaeth o dan reoliad 35(1) at unrhyw un neu ragor o'r dibenion a grybwyllir ym mharagraff (2) o'r rheoliad hwn, cânt gadw yn ôl unrhyw daliad o fenthyciad at ffioedd dysgu neu fenthyciad cynhaliaeth hyd nes bod y myfyriwr yn cydymffurfio â'r gofyniad neu'n darparu esboniad boddhaol dros beidio â gwneud hynny.

(2) Y dibenion yw—

- (a) penderfynu a yw'r myfyriwr yn fyfyriwr cymwys sy'n cymhwyso i gael benthyciad;
- (b) penderfynu ar swm y benthyciad sy'n daladwy i'r myfyriwr;
- (c) unrhyw fater sy'n ymwneud ag ad-dalu benthyciad gan y myfyriwr.

Statws Golwg cyfnod mewn amser fel yr oedd ar 12/03/2018.

Newidiadau i ddeddfwriaeth: Mae newidiadau yn dal heb eu gwneud i Rheoliadau Addysg (Cymorth i Fyfyrrwyr) (Cymru) 2018. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau. (See end of Document for details)

Gwybodaeth Cychwyn

I6 Rhl. 97 mewn grym ar 12.3.2018, gweler **rhlf. 1(2)**

Statws

Golwg cyfnod mewn amser fel yr oedd ar 12/03/2018.

Newidiadau i ddeddfwriaeth:

Mae newidiadau yn dal heb eu gwneud i Rheoliadau Addysg (Cymorth i Fyfyrrwyr) (Cymru) 2018. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau.